



BERNARDVS I XVI,

EPISCOPUS PADERBORN.

Annus Christi 1128.

Honorij II Pont. 4.

Lotharij II Reg. 4.

Bernardi I Ep. Pad. 1.

*Dodechi-
nus.
Gobelinus.
Bruschius.
Auctor vi-
tae à Mo-
nachis
Hardehu-
sanis.
Bernar-
dus è no-
bili fami-
lia de O-
fede eli-
gitur à
Clero
Episc.
Paderb.*



B excessu Henrici Antistitis libera cleri electio-
ne subrogatus est Bernardus, eo nomine pri-
mus hujus Ecclesiae Episcopus. Ortus is erat
ex illustri Dynastarum in Ofsedi familia, quae
Osnabrugum inter & Iburgum claram priscae
nobilitatis sedem habebat. Hanc ipsam Lu-
dolphus de Ofede haud multo post, anno vi-
delicet 1174, cum liberos non suscepisset con-
vertit in Monasterium virginum, quale hodieum aspicitur, coli-
turque: in quod tum à Philippo Osnabrugensi Episcopo introductae
sunt Virgines. Fallitur proinde Bruschius, alijque, qui Bernardum è
familia nobilium de Disede deducunt; cum Auctor vitae ejus è Mo-
nachis Hardehusanis ex familia nobilium de Ofede ortum scribat.
Igitur Bernardus vir, qui, praeter familiae splendorem, omnia virtu-
tum ornamenta ad Episcopi munus attulit; quippe à primis annis
traductus ad scholas, & cooptatus in clerum Paderbornensem, mul-
tos jam annos sese doctrinâ, pietate, fervore religionis, vitaeque in-
tegritate commendarat. Hinc postquam ex aula & manu Impera-
toris electio Episcopi ad clerum est traducta, virum hunc in Colle-
gio probatum ac dignissimum selegerunt Canonici, ostenderuntque,
optimum quemque synceris suffragationibus inveniri. Quod res ab
eo laudabiliter per xxxii annos pro Ecclesia sua gestae docebunt, qua-
rum hoc ipso anno primo Episcopatus sui praecclarum initium dedit.

*Cum Wi-
dekindo
Comite*

Nam cum per id tempus Widekindus Comes Swalenbergen-
sis, Bernardi Episcopi consanguineus, & conjux ejus Luthrudis, ex
heredi-